

جريدة محاكم

صالي

نومرو	ربيع الاول	سنه	كانون ثاني	سنه	صحيفه
١٨٥	١٣	١٣٠٠	١١	١٢٩٨	١٤٧٣

اشبو غزته بهر هفته صالي كونلري چيقار . سنه لكي مجيدي اچه الشمس غرو شدر بهر نسخه سي الشمس
 پاره مجيدي به اوله رق هر يرده صاتيلور . درج اولنه جق اعلانا تک بهر سطرندن ايكي غروش النور .
 سنه لکنه مشتري اولوق استيانلر عدليه نظارت جليله سي اوراق مدير لکنه مراجعت ايتليدر

(عدليه نظارت جليله سندن في ٩ محرم سنه)
 (١٣٠٠ وفي ٨ تشرين ثاني سنه ٩٨ تاريخيله)
 (تسطير قلنان عموم صورتيدر)

مدعي عمومي ومعاونلري معرفتيله بر محکمه دن ديگر
 محکمه يه و يا خود مقام نظارته کوندر يله جک اوراق
 دعوانک مفردات پوصله سي بولنسي محسناني
 موجب اولديغندن بوقاعده يه رعايت اولنمغله برابر
 کوندر يلان نمونه مخصوصنه تطبيقاً ملفوفات
 پوصله لرينک تنظيم وطبعيله بعدما کوندر يله جک
 اعلامات جزائيه و اوراق ساثره ايله متفرقاتک نوع
 وجنس و قطعاتني مابين مفردات پوصله سييله برابر
 صورت منتظمه و مطبوعه ده ارسال اولنسي في
 ٢٨ شعبان سنه ٢٩٦ وفي ٤ اغستوس سنه
 ٩٥ تاريخي تحريرات عموميه ايله اشعار قلنمش
 اولديغني حالده بعض محلردن کوندر يلان اعلامات

(توجيهات عدليه)

ماردين سنجاغي بدايت محکمه سي مدعي عمومي
 معاونلکي بوردور بدايت محکمه سي مدعي عمومي
 معاوني سابق طاهر افندي يه
 بوردور سنجاغي بدايت محکمه سي مدعي عمومي
 معاونلکي تکه سنجاغي مدعي عمومي معاوني سابق
 طاطيوس افندي يه
 تکه سنجاغي بدايت محکمه سي مدعي عمومي معاونلکي
 ماردين مدعي عمومي معاوني سابق بغوص
 افندي يه
 اشقودره ولايتي بدايت محکمه سي مدعي عمومي
 معاونلکي محاکم ملازملردن اسماعيل حق بکه توجيه
 يورلشدر

نسخ مطبوعه كافيه سي لفا ارسال قلمغه مندرجاته
نظراً ايضاً مقتضاسي سياقنده شقه مخصوصه ترقيم
قلمدي

(عدليه نظارت جليله سندن در سعادت و ولايات)
(عدليه مفتشلكرينه في ۲۲ تشرين ثاني سنه)
(۹۸ نار يخنده ياز يلان محررات صورتيدر)

ديون عموميه عثمانيه واردات مخصوصه سي اداره سه
عائد بعض دعاويدن طولابي بالايجاب محكمه ره
و يريله جك اعاده محاكمه استمداء نامه لري اصول
محاكمه تجارتي نظامنامه سنك يوزاوتوز اوچجيمي ماده سي
موجبجه اون بش عدد عثمانلي ليراسي توديع اولندججه
محاكم تجارتي قبول ايديلمكده اولديغندن و حالبو كه
ديون عموميه نظامنامه سنك اون النجيمي ماده سنك
طقوزنجي قهره سي حكمنجه اداره مذكوره حكومت
سنه نك دواړساره سنه مقيس ايدو كندن محاكمه و مقوله
استمداء نامه لرك سار دواړ دولت حقرنده جاري
اولان اصوله تطبيقاً و مذكور تجارتي نظامنامه سندن
استثناء قبول ايتيرلمسي و ذكر اولنان ديون عموميه
نظامنامه سنك طقوزنجي قهره سنده مجلس اداره ايله
مأمور لري و يركو و تكاليف و رسوم خصوصاً
دواړ و مأمورين دولته سيان طوبيله جيني محرر
بولنمش اولديغندن قهره مذكوره حكمنجه اداره
مذكوره طرفندن بالايجاب محكمه ره و يريله جك
اعاده محاكمه استمداء نك حكومت سنه نك دواړ
ساره سي حقرنده اولان اصول وجهله قبول اولنسي
لازم كه جكنك محاكمه تبليغي لزومي مالبه نظارت
جليله سندن مبعوث تذكره ده اشعار اولنمش و موجبجه
صورت حالك محاكمه تبليغي خصوصنك صوب
شريف لرينه ازباري امور حقوقيه مدير بنندن افاده
واشبو محرراتك نسخ مطبوعه سندن بكرمي بش

تميزيه ايله اوراق متفرعه سنك مفرداتني ناطق
ملفوظات پوصله سي ظهور ايتامكده اولديغنه و اصول
محاكمات جزائيه قانون موقنك اوچيوز بكرمي
طقوزنجي ماده سنك قهره ثانيه سنده ايسه تميزي
طلب اولنان حكومي و يرن محكمه نك كاتبي اوراق
دعوانك بلاخر ج بردفتريني يابوب اعلامه ربط
ايدجكي و خلافي حالده اوچ التون جزاي نقدي
اعطاسنه محكمه تميزده حكم اولنه جيني محرر
بولنديغنه ميني بوندن بويله لاجل التميز ارسال لازم
كلان اعلامات حكيمه ايله اكا متفرع اوراق دعوانك
مفردات دفتري كوندر ليدكي خالده ماده مذكوره
موجبجه محكمه كاتبرينك جزاي نقدي ايله محكوم
طوبيله جق لري دركار بولنمشدر برده مدعي عموميلر
مأمور بولندق لري محاكمك نزدنده قانونك تعيين اينديكي
دايره داخلنده ايضاً وظيفه ايله مكلف بولندق لرين
بو وظيفه اصليه عدليه جه صورت عموميه ده اوله رق
مأمور بتلري كرك حكيمك صدورندن اول و صكره
و كرك احكام لاحقه نك اجراسي اثنا ده آسايش
و انتظام عامه يه متعلق اولان احكام قانونه نك حسن
جر يانه و حقوق عموميه نك محافظه سنه بدل دقت
ايتكندن عبارت بولنديغني جهته قواعد اساسيه
مذكوره يه توفيقاً رأساً و رسماً تابع تميز اولان افعال
جنائيه به دواړ اعلاماتده اصول و قانونه مخالف كور يلان
اسباب نقضيه حقدده كي مطالباني علل و اسباب
موجبه سييله برابر بيان و ابضاح ايتلري لازم دن
بولنديغندن بعدما اعلامات جنائيه نك تدقيقيله احكام
لاحقه حقدده ايرادي لازم كلان مطالبات قانونيه ايله
برابر اوراق تميزيه يي بالايجه مقام نظارته انها و تبليغ
ايتلري لازم كه جكنه بنه اكا كوره توفيق معامله
اولنقى و بر صورتني تبليغ قلمق اوزره باش مدعي
عموميلك مأمورينك افاده سي اوزرينه اشبو محرراتك

قطعه لفا فرستاده قلمش اولغله اولوجهله ايضاً
مقتضاسي

(عدليه نظارت جليله سندن في ۱۶ كانون اول)
(سنه ۹۸ نار يخنده در سعادت و ولايات عدليه)
(مفتشلكرينه ياز يلان عموم صورتيدر)

ايضاً ديندن استنكاف ايند مديونك نظاماً حيسي
حالده داي طرفندن و ير يلان نفقه بدلنك مؤخرأ
دينك تحصيلنده مديوندن استيفاسي لازم كلوب
كلبه جكي بعض طرفدن استفسار اولنسي اوزرينه كيفيت
انجمن عدليه يه لذي الحواله بر مديون مطلقاً ايضاً
ديندن امتناعي و ايضاً دينه قدرتي اولديغني دايك
ايتاني اوزرينه حبس اولنه جفنندن مدت مجبوسيننده
اني انفاقه داي مجبور اولديغني كي مديونك مجرد ايضاً
ديندن امتناعي جهته يه تحت توقيفده بولنه جيني مدت
ظرفنده اعاشه سي چون داي طرفندن و ير يلان مبلغ
اصول محاكمه حقوقيه قانون موقنك يوزاوتوزنجي
ماده سي حكمنجه دعاوي مصارفي جله سندن معدود
اوله رق ديني ايله برابر مديوندن استيفاً قلمسي موافق
عدل و حقانيت اوله جفنه و مصارف محاكمه نك جنس
و مقداري و يريله جك اعلامده ترقيم اولنسي حقدده
اولوب صورتني دستورك در دنجني جلدنك بديوز
اللي يدنجي صحيفه سنده محرر تحريرات عموميه ده
دخي بو خصوصه دليل و اشارت بولنديغنه ميني
اولوجهله مديونك مدت حبسنده داي طرفندن و ير يلان
نفقه بدلنك دينيله برابر مديوندن تحصيلي با مذكوره
بيان اولنمش و موجبجه صورت حالك محاكمه تبليغي
لزومنك صوب شريف لرينه ازباري امور حقوقيه
مدير بنندن افاده و اشبو محرراتك نسخ مطبوعه

سندن بكرمي بش قطعه لفا فرستاده قلمش اولغله
برمنوال مشروح ايضاً مقتضاسي

(عدليه نظارت جليله سندن محاكمه ساسنه ولايات)
(عدليه مفتشلكرينه في ۱۶ كانون اول سنه)
(۹۸ نار يخنده تعمياً ياز يلان تحريرات صورتيدر)

متصرف اولديغني مقاطعاتك سندن سابقه تقاسيطندن
خزينه جليله ده مطلوبني اولان مبالغك گذشته
و مصارف محاكمه و ساره سييله برابر تحت حكمه النسي
ضممنده صفوتي پاشا زاده رفعت بك طرفندن وقوع
بولان استمداء و اينكجني حقوق محكمه سندن واقع اولان
دعوت اوزرينه خزينه جليله دعوي و كيلرندن
رشيد افندي محكمه مذكوره يه كيدر ك برهفته مهل
اخذ ايتش ايسده بو مقوله مفسطاً و تدريجاً خزينه
جليله دن و يريله بولنان مقاطعات و اسهام و سار
فانضلر ينك استحصالي حقدده اول صورتله اصحابي
طرفلرندن خزينه جليله عليه نه اقامه دعوي ايديلوبده
محاكمه بالاستماع تحت حكمه النقي كي بر طر يق اچيلور
ايسه بونك او كي النقي قابل اوله ميوب خزينه يي
بر چوق مشكلاته دوشوره جكنه و بومثلاو مطلوباتك
قاعده مر عيه خزينه يه توفيقاً تسويه اولنمده اولوب
محاكمه ره قطعاً تعلق اولماسنه بناء كرك مبرمومي
ايله مطلوب نك و كرك امثالندن اولانلرك محاكمه
مر اجعت و قوعنده قاعده سي دايره سنده خزينه جه
تسويه اولنقى لازم كه جكي بولنده اصحابنه جواب
رد و برلسي خصوصنك شميدن بالجه محاكمه تبليغ
ايدلسي مالبه نظارت جليله سندن اشعار اولنديغندن
و خزينه جليله دن مخصوص بومثلاو مرات اوته دنبرو
مساعده حال و امكانه كوره تدريجاً و مفسطاً
و يريله كلديكي بونلرك بر طاقني دخي عاطفه

تخصیص واحسان بیورلش شیر اولسنه کوره
محا که تعلق ایتیه جکی درکار بولندیغی بیان حالسیله
اقتضاسنک اجراسی مقام ساهی حضرت و کالتپناهیدن
شرفوارد اولان تذکره سامیده امر و اشعار
بیورلش و موجنبه کیفیتک محاکمه تبلیغی خصوصنک
صوب شریف لریته ازباری امور حقوقیه مدیریندن
افاده واشبو تحریرانک نسخ مطبوعه سنندن یکریمی
بش قطعه لقا فرستاده قلمش اولغین برمنوال محرر
اجرای ایجابی سیافنده شقه

(یوزسکسان دردیچی نومرولی جریده محاکمه)
(مندرج اعلامک بقیه سی)

تتمانی لیراسی محکوم به مطلوبی اولوب مومی الیهک
هدلیه وزنه سنده محجوز اولان ایکویز یتش درت بچق
لیراسی رأس الماله محسوباً موکلنه ویرلک و سعادتلو
نجیب پاشا حضرتلرنده اولان ایکویز اوتوز لیرا
الاجنی کذلک موکلنه حواله و یوز یکریمی لیرادخی
نقداً اعطا ایدیلرک من حیث المجموع اشبو اوچیوز
اوتوز لیرادخی طقسان درت سنه سی تشرین ثانسی
غایتنه قدر تراکم ایدن گذشته به مقابل کذلک موکلنه
اعطا ایله برابر والده کتخداسی مرحوم حالت پاشا
ده کی مطلوب باقی دخی بعدما یوزده بردن تراکم ایدیه جک
گذشته به وفضله سی دخی رأس الماله محسوباً کذلک موکلنه
حواله و تسلیم اولتیق و موکلکی دخی ایکی بچق سنه
کندوسندن فائض طلب ایتمک و فقط اشبو مبالغ
محموب اولندقدن صکره موکلنک باقی مطلوبی قالمسی
ایجاب ایدن ایکی بیک بشیوز یکریمی بش بچق لیرانک
برمنوال محرر یوزده بر فائضنه کافی حالت پاشا طرفندن
اچقه کوندرلدیکی حالده موکلکی دخی مقاوله عقیقه

اوتوز لیرا ایچون موکلکی نامنه ویرلمسی لازم کلان
برقطعه سنک اعطاسی و باقی رأس المالدن مطلوبی
اولان ایکی بیک یوز الی الی لیرانک دخی طقسان درت
سنه سی کانون ثانسی ابتدا سنندن اشبو استدعا تاریخنه
کلیجه به قدر بروجه مقاوله کیسه سی اوچ غروش
یکریمی اوچ پاره دن و اندن صکره حین تسویه سنه دکن
قانوناً یوزده بردن ایجاب ایدن گذشته سیله برابر
مومی الیهدن استیفاسی خصوصنک تحت حکمه التمسنی
طلب و دعوی و فی امارت سنه ۲۹۱ تاریخلی و صراف
ماروشیان کرکور امضا و کرکور مهرلی برقطعه
عقیق سنک و دائره تک فی ۱۴ حزیران سنه ۲۹۴
تاریخلی برقطعه اعلام غیایسی ایله فی ۱۳ کانون
اول سنه ۹۴ تاریخلی کذلک صراف ماروشیان
کرکور امضالی دیگر جدید برقطعه مقاوله نامه ابراز
واعضا ایتمکله لدی المطالعده جمله سنک مندرجاتی
مدعی وکیلنک افاده مشروحه سی مصدق بولتمش
اولقله نه دیه جکی وکیل مسخر مومی الیه حاجی علی
افندیدن صورلدقده اشبو سنک و مقاوله نامه ده کی
امضا و مهر لریله اساس دینی انکار ایتش ایسه ده
اولبابده منتخب میر ل طرفندن ویریلان راپورطوده
مذکور ایکی قطعه سنک و مقاوله زینده کی امضال
مدعی علیک احضار و رفعلریته موضوع
امضالینک عینی ایدوی کوسترلمش و عند السؤل
هرایکی طرف بشقه بر دیه جکری اولدیغنی جواباً
سو بلمش اولملریله محاکمه لرینک ختام بولدیغنی افاده
اولندقدن صکره ایجابی لدی التأمل مدعی وکیلی
عوادیس یوردامیان افندینک استدعا و افاده سنه
و ذکر اولنان سنک و مقاوله نامه ایله اعلامک متن
و ظهیری مؤدارینه نظراً موکلکی احد افندینک مدعی
علیه ماروشیان کرکور افندی ذمتنده رأس المالدن
ایکی بیک سکز یوز و بروجه مقاوله کیسه سی اوچ

غروش یکریمی اوچ پاره دن طقسان درت سنه سی
تشرین ثانسی غایتنه قدر تراکم ایدن گذشته سنندن
اوچیوز الی لیرا که جمماً اوچیویک یوز الی لیرا محکوم به
الاجنی اولدیغنی و برمنوال محرر تجدید سنک
اولندقدن صکره رأس الماله محسوباً ایکی قلم الی یوز
قرق درت سنه مر قومه کانون اول غایتنه دکن تراکم
ایدن گذشته سنه مقابل دخی نقداً یوز یکریمی و نجیب
پاشا حضرتلرندن حواله ایکویز اوتوز و حالت
پاشا مرحومدن یکریمی بش بچق لیرا که من حیث
المجموع اوچیوز یتش بچق لیرا مقبوضی بولندیغنی
اکلاشلمش و مذکور ایکی قطعه سنک و مقاوله نامه ده کی
امضال وکیل مسخر مومی الیه جانبندن انکار اولتمش
ایسه ده بولنرده اولان امضال مدعی علیه تبلیغ
اولنان احضار و رفعلریته موضوع امضالک عینی
اولدیغنی اولبابده منتخب میر ل طرفندن ویریلان مارالذکر
راپورطوده کوسترلمش اولدیغندن شو حالده اساس
دین اولان ایکی بیک سکز یوز لیرادن موکلنک
مقبوض اولدیغنی مدعی وکیلنک تحت اعترافنده
بولنان ایکی قلم الی یوز قرق درت لیرا بالتنزیل باقی
ایکی بیک یوز الی الی لیرا طقسان درت سنه سی
کانون ثانسی ابتدا سنندن تاریخ استدعا به یعنی طقسان
یدی سنه سی حزیرانک یکریمسنه قدر بروجه مقاوله
کیسه سی اوچ غروش یکریمی اوچ پاره دن
و اندن صکره طقسان یدی سنه سی تموزینک اون
درینه دکن قانوناً کیسه سی بش غروشندن حساب
ایدیلان درتیوز یتش لیرا گذشته ضمه بالغ اولدیغنی
ایکی بیک الی یوز یکریمی الی لیرانک مدعی علیه
ماروشیان کرکور افندینک بالتحصیل مدعی احد
افندینک اعطاسنه و حین استیفاسنه دکن رأس المال
ایچون بشقه جه گذشته یوز یدلسنه و برمنوال محرر
نجیب پاشا حضرتلرندن حواله اولنان ایکویز اوتوز

لیرا ایچون دخی مدعی علیه مدعی احمد افندی
 نامه بر قطعه سند اعطای سیچون مجبور طو تلمسینه
 قابل اعتراض اولوق اوزره غیباً تمهیداً قرار ورلدیکنی
 مین بولمشدر
 معترض و کیلی مقری افندی اعلام غیابی مذکورده
 خلاصه لری مسطور سند و مقاوله نامه ز یرنده کی
 امضا و مهر لر موکلی ماروشیان کر کور افندیکن
 اولدیغنی بقده التصدیق فقط مذکور فی ۱ مارت
 سنه ۹۱ تاریخی سندک حاوی اولدیغنی ایکی بیک
 سکر یوز لیرایی بالذات موکلی استقراض وامورینه
 صرف و استهلاك ایتموب اساساً مبلغ مزبور مدعی
 احمد افندیکن مر حوم حالت پاشایه اقراض ایتمک
 اوزره شکرچی عثمان اغادن التمسنی امر و حواله
 ایلدیکی و موکلنک دخی بر موجب امر و حواله جسته
 جسته اغای مومی الیهدن و بر مقدار بینی دخی مومی
 الیه احمد افندیکن الوب پاشای مشار الیه اقراض
 ایتمیکی من حیث المجموع اوچیک ایکیوز تمش سکر
 لیرانک غیر از تسلیم بقیه سی اولدیغنی و مؤخرأ مومی
 الیه احمد افندی بعض اسبابه مینی کندی نامه سند
 المی استمدیکندن واشبو مبلغ اوزرینه کندوسی
 دخی بر مقدار علاوه ایتمک اقراض ایلدیکندن
 مجموعی ایچون پاشای مشار الیهدن موکلی نامه
 سند الوب مومی الیه احمد افندیکن بقیه مطلوبی
 ایچون دخی پاشای مشار الیهدن تحصیل اولندقد و یرلمک
 شرطیه موکلی مذکور سنندی و یردیکنی و حتی
 پاشای مشار الیهک و فائده نکره مبلغ مزبورک
 صورت صلحیده تسویه سیچون ایوم بیروت
 رسومات ناظری عزتلو محی الدین بک الیه سعادتلو
 نجیب پاشا حضرتلر نیک قوناقرنده پاشای مشار الیه
 ورته سبله مشار الیه نجیب پاشا و محی الدین بک و والده
 کاتبی سابق سعادتلو حسین و سلیمه تکیه سی شیخی رشادتلو

سعید و تجار دن سید صالح و مشار الیه نجیب پاشانک
 کاتبی صدقی و کرسکده اشرف و ازاریان بلوس
 و اراستای افندیلر الیه شکرچی عثمان اغا حاضر
 اولدقلری حالده بر قاچ دفعه و قوعبولان اجتماعده
 موکلیه مومی الیه احمد افندی دخی حاضر اولوب
 مومی الیه احمد افندی مشار الیه هم طرفلرندن تکلیف
 اولنان صورت صلیحی عدم قبول الیه پاره میدان
 کورملی و یاخود حضاردن ازاریان اراستای
 افندی سند و یرملی دیو حقیقت حالی حاضرین
 مواجهه سننده اقرار و اعتراف ایلدیکی و یرنوال
 محرد مجموع دین ایچون موکلی پاشای مشار الیهدن
 کندی نامه سند الیغنی جهته اولبایده پاشای مشار
 الیه ورته سی علیه اقامه ایلدیکی دعویاه اشتراک
 و دخالت ایتمنی و وقوع بوله حق مصارف محاکمه تک
 دخی کندوسندن طلب ایلدیکنی با پروتستور سماً
 مومی الیه احمد افندی به تبلیغ و اخبار ایش ایسه ده
 اشتراک ایتمدیکنی و الحاصل اصل دین موکلنک اولوب
 مرحوم حالت پاشانک اولدیغنی و مذکور فی ۱
 مارت سنه ۹۱ تاریخی سندده مبلغ مزبورک
 موکلنک حالت پاشاده کی مطلوبی تحصیل اولندقد
 و یر یله جکی مشروط اولدیغنی و اخیراً تنظیم اولنان
 مذکور فی ۱۳ کانون اول سند ۹۴ تاریخی
 مقاوله نامه تک دخی هیچ بر بندنه مبلغ مزبوری
 کندم الدم بورجلیم و ایفا ایده جکم عباره سی اولوب
 اشبو مقاوله نامه ده دخی کذلک شرط مذکور تأید
 و تأکید قلندیغنی و موکلنک بو بایده پاشای مشار الیه
 ورته سی علیه اقامه ایلدیکی دعوی درست رؤیت
 اولوب هنوز بر اقیه تحصیل ایده مدیکی جهترله
 مومی الیه احمد افندیکن طوغریدن طوغری به
 مطالب اولنه میه جغنی و اشبو مقاوله نامه تک مینی علیهی
 اولان اولکی اعلام غیابیده دخی شمیدیکی کی مبلغ
 مزبورک مجموعی موکلندن مطالبه اولنموب بالکر

پاشای مشار الیهدن تحصیل ایتمدیکنی ظن ایلدیکی
 پاره ایله باقی قلان مبالغ ایچون گذشته طلب اولمش
 و محکمه جه دخی مبلغ مزبورک تحصیل اولندقیجه
 اعطای مشروط اولستند طولای تحصیل اولننان
 پاره ایچون مومی الیهک گذشته طلبنه حتی اوله میه -
 جفندن بو ادا سنک زدیله بالکر تحصیل اولدیغنی
 ادا اولنان پاره تک موکلندن عن الغیاب استیفا سنه
 قرار و یراش اولسمله شو حالده ورته مشار الیهدن
 تحصیل ایتمک سزین موکلنک مدیون طایله رقی اساساً
 حالت پاشایه اقراض اولنان بر اقیه تک کندوسندن
 اراستای جانز اوله میه جغنی کی نجیب پاشا حاضر تلمندن
 حواله اولنان ایکیوز اوتوز لیرایه کلنجه مومی الیه
 احمد افندی موکلنک پاشای مشار الیهده کی اشبو
 ایکیوز اوتوز لیرا مطلوبی بر موجب مقاوله نامه
 نقد مقام سنده قبول ایتمش و کتاب الحواله تک التیوز
 سکسان برنجی ماده سی حکمنجه اشبو حواله صورت
 صحیحده وقوع و قبولش اولدیغندن ماده مذکور
 حکمنجه بونک ایچون دخی مومی الیه احمد افندیکن
 موکلندن سند استمه حتی قائدیغنی بالبیان اعلام
 غیابی مذکور حکمنک فسخنی شفاهاً و تحریراً طلب
 و دعوی ایتمسته نقایله معترض علیه و کیلی عوادین
 یوز دامیان افندی ادا اولندیغنی وجهه مبلغ مزبورک
 حالت پاشا خرومه اعتراضی حقیقده موکلنک بر کونه
 امری اولدیغنی و مبلغ مزبورک موکلی طرفتندن بالذات
 ماروشیان کر کور افندی به یرلدیکی و موکلنک اولیه
 (بقیه سی صکره)

اعلانات

طقسان سکر سنه سی مموزینک یرکی سکر نجی چهارشنبه
 کونی یکفور جوارنده واقع قره قالدیرم نام محله

باغچوان و یدون و اندونک اقیه و اسلمه لرینی غضب
 و برمدلی میخال و قسطنی و یاقو نام کسنه لریک
 دخی محل مذکورده تفنک قورشونیه قتل و اتلاف
 ایتملرند طولای هیئت اتهامه دن جنایته اتهام اولوب
 الله و تحت توقیفده اولان سوطبری و خرستونک
 رفیق اولوب فرارده بولنان و هیئت مذکورده دن
 کذلک غیباً جنایته اتهام ایدیلان اوزون بولی
 صاری چهره لی و مائی کوزلی تخمیناً یرکی سکر
 باشنده طر بایده فیل نام شخص الله ایدیله مامش
 اولدیغندن اصول محاکمات جزایه قانون موقتک
 اوچوز یتش برنجی ماده سنه توقیفاً قانونه اطاعتله
 محکمه یه کلک اوزره فراری حر قومه جانب
 ریاستندن مجدداً اون کون مهل و یراش اولغله
 مدت مذکورده ظرفنده اثبات وجود ایتمدیکی تقدیرده
 قانونه اطاعت ایتمش نظریله باقیله رقی حقوق
 مدینه دن اسقاط اولندیغنی و محاکمه غیابیه سی
 بالاجرا اموالی دخی جز ایتمدی بله جکی و بو بایده
 کندوسنک بر کونه اقامه دعویاه حتی اوله میه جغنی
 مثللو کندوسنک بولندیغنی محلی ییلنر خبر و یرمه
 و بالجمله ضابطه عدلیه تک کندوسنی اخذ و گرفت ایتمک
 مجبور اولدقلری بیانیله کیفیت اعلانی قرار کیر اولدی
 فی ۸ ربیع الاول سنه ۱۳۰۰

طقسان طقوز سنه سی جمادی الآخره سنک یرکی
 بشنجی بازار ایتسی کونی قر تال قضاسنه تابع صماندره
 قریه سی امامی لوفجه لی ابراهیم افندیکن اون یاشنده
 کریمه سی عایشه تک یولده اوکنده چیقهرق و صورت
 جبریده طوتوب برهفته قدر قیرلده کز دیره لریک
 جبراً یرکینی ازاله ایتمکلری اداسیله مظنون علیه

اولوب هیئت اتهامیه طرفندن جنایتله اتهام ایدیلان
 والیوم فرارده بولنان عن اصل لوفجه قضالی اولوب
 صماندره قریه سنده ساکن اورته بویلی صاری
 یوزلی والا کوزلی حسن بن عثمان ایله برادری
 مصطفی وانشته سی صالح نام کسنهلر شمیدی به قدر
 اثبات وجود ایتماش اولدقلری جهتیله قانونه اطاعتله
 محکمه به کلک اوزره مرقومونه تاریخ اعلاندن
 اعتباراً طرف ریاستدن اون کون مهل و یراش
 اولغله مدت مذکوره طرفنده محکمه به کلد کبری تقدیرده
 قانونه اطاعت ایتماش نظریله باقیله رقی حقوق مدنیهدن
 اسقاط اولنه چقلری و محاکمه غیایه لری بالاجرا اموالی
 دخی جز ایله جکی و کندولرینک بو ائناده برکونه
 اقامه دعویاه حققری اولیه جغی و بولندیغی محلی
 یئلر خبر و یرمکه و بالجمله ضابطه عدلیه مأمورلرینک
 کندولرینی اخذ و گرفت ایتمکه مجبور بولندقلری
 و مرقومونک اخذ و گرفتقری ایچون اوامر لازمه
 اعطا قلمش اولدیغی بیانیه کیفیتک اعلانه ابتدار
 اولندی فی ۷ ربیع الاول سنه ۱۳۰۰

پامبوچی اوغلی حاجی ابراهیم افانک ایکنجی حقوق
 دأره سندن اعطا قلنان فی ۱۶ اغستوس سنه
 ۹۸ تاریخلی و اوچوز اون درت نومرولی اعلام
 موجبجه حاجی راشد اغایه دینی بولنان مبالغ معلومه نك
 تأمین استیفاسی ضمننده وفاق داین عهدده سنده
 بولنان غلطه ده پولجی زاده محله سنده کائن بر طرفی
 امام افندی زقانی دیگر طرفی پصدیرمه جی زقانی
 ارقه سی برونسر معونه جینک خانه سی و اوکی زیتون
 زقانیله محدود تخمیناً تیوز ذراع مقداری عرصه
 اوزرینه مبنی یلدی او طه و ایکی قبو و برقورنه لی

حاج و بر کبیر مخزنی مشتمل بر باب خانه نك اون ایکی
 حصه اعتبار یله درت حصه سنک تاریخ اعلاندن اعتباراً
 اون بش کون صکره بالزایده فروخته تشبث
 اولنه جغی در سعادت بدایت محکمه سی اجرا دأره
 سندن اعلان اولنور

فی ۲۹ کانون اول سنه ۹۸

هرمز خانمک ایکنجی حقوق دأره سندن اعطا قلنان
 فی ۲۳ اغستوس سنه ۹۸ تاریخلی و ۳۱۴
 نومرولی اعلام موجبجه محمد حلیم نك ورته سی و صیسی
 امینه شریفه خانمه دینی بولنان مبالغ معلومه نك
 تسویه سی ضمننده مدیونه نك متصرفه اولدیغی
 سکبان باشی یعقوب اغا محله سنده حسن پاشاقره
 غولخانه سی زقاندی وزنه جیلر جاده سنده کائن
 صاغ طرفی اون سکر نومرولی عربه اخوری صول
 طرفی مرحوم کامل پاشا حلیمه سی عصمتلو خانم افندی
 حضرتلرینک قوناقلری قارشو سنده کائن بکرمی ایکی
 نومرولی عرصه لری ارقه سی ادهم پاشا حضرتلرینک
 متصرف اولدقلری جاهک کلخانی اوکی طریق عام
 ایله محدود تخمیناً طقسان ذراع مقداری بکرمی
 نومرو ایله مرقم بر باب اخور عرصه سنک تاریخ
 اعلاندن اعتباراً اون بش کون صکره بالزایده
 فروخته تشبث اولنه جغی در سعادت بدایت محکمه سی
 اجرا دأره سندن اعلان اولنور

فی ۴ کانون اول سنه ۹۸